



ATASSUT

UPA 2017/128

Mala Høy Kúko

24. 04. 2017

Siunnersuut uunga: Atornerluineq pillugu Inatsisartut Inatsisaat nr. xx xx. 2017-imeersoq.

(Peqqissutsimut Naalakkersuisoq)

Siunnersuut uunga: Atornerluineq pillugu Inatsisartut Inatsisaat nr. xx xx. 2017-imeersoq.

(Peqqissutsimut Naalakkersuisoq)

ATASSUT-minngaaniit Naalakkersuisut atornerluineq pillugu inatsisartut inatsisaat nr.xx xx. 2017-imeersoq imatut oqaaseqarfigissavarput.

Kalaallit Nunatsinni inuttut atukkat assigiinngitsutigut ajornartorsiutinik unammilligassaqartitsisut amerlaqaat. Inuiaat ikitsigaluta tusaamanerlunneqarnerput imigassap aalakoornartortallip ikiaroorartup anningaasanoorajunnerullu inuunitsinnut akuulersimaneratigut, inuiannut ikittunut ajornartorsiortitsinerat ullut tamaasa tusartualersimavagut. Qangaanerusoq imigassap aalakoornartortallip akuuneratigut pisut nunatsinni ilaanneeriarluni ilaqutariiusunut alianartunik pisartut assigiinngitsut amerlasimaqaat.

Taamanikkullu nunatsinni inuiaanut suliniuteqartutuaasimapput blá-korsit. Taakkuusimappummi inunnt imigassap aalakoornartortallip akuutinneqarneratigut ajornartorsiortunut iminnginnaveersaartitsisarannik, massakkut sanningasoq tungujortumik taaneqartalernikut.

Ullumikkummi suli peqatigiiffinguit suliniutimikkut tusarsaasarput nunatta sineriaanit. ATASSUT-miillu suliniuteqartuarnerat piunassutsiminnik ingerlatsillutik nukippassuit atorsimammassuk qujassuteqarfigerusuppagut.

Ikiaroorartup qangaaniilli atugaaneratigut atuisut inuusussiartornerat ullutsinni tusarsaalersimaqaaq. Allaat ullutsinni meeqqat aanngajaarniutinut akuulersimanerat maanngaaniit oqaluttarfimminngaaniit uppernarsaatissaqarluta oqaatigineqarsinnaanngorsimavarput. Taamatullu Kalaallit Nunatsinni ajornartorsiuteqarnitsinnik ATASSUT-minngaaniit Naalakkersuisunut aaqqiissutissanik ujaasisoqarnissaa piaartumik kaammattuutigissuarput.

Aningaasanoorajunnerit aammattaaq tusarsaalernerat ullutsinni nalinginnaaraluttuinnalersimapput. Meeqqat pisinnaatitaaffiannik illersuisup angalasarnermini arlaleriarluni oqaatigisarpaa piffinni assigiinngitsuni aningaasanoorneq ajornartorsiutaaqisoq. Tamannalu akiorneqartariaqartoq oqariartuutigisarlugu.

ATASSUT-minngaaaniit oqaatigissuarput Kalaallit Nunatta namminmiilivinnissamik eqqarsarluta ingerlassagutta soorunalimi innuttatut ajunnginnerpaamik atugassaqtinnissaannik pisussaaffeqluta pingaartitsissagatta. Nunarpummi namminiilivinnissaanut assaat sulisinnaasut tamaasa atorfissaqtippagut aningaasarsiortuassagutta.

Kalaallit Nuatsinni atornerluisunik katsorsaasarneq aallartinneqarmalli soorunalimi inuttut alloriaqqittut arlaqalernikuupput.

Naalackersuisut siunnersuuteqarnermikkut atornerluisunut katsorsaasarneq nukittorsarniarlugu iliuuseqarniarnerat ATASSUT-miit tapersorsorlugu oqaatigissuarput.

ATASSUT-miit pingaartipparput atornerluisut imigassaappat ikioroornartuuppat aningaasanoorniutinoorpat katsorsarneqarnissaminnik periarfissaqartuarnissaat. Naalackersuisummi siunnersuutimikkut anguniarpaat siusittuklut atornerluisut ajornartorsiutiminnik ikiorserneqarsinnaanissaat.

Naalackersuisut akeqanngitsumik katsorsaasoqarsinnaalernissamik siunniussaqaarnerat kiisalu Allorfinnik illoqarfinni pilersitsiniarnerat ATASSUT-miit tapersorsoratsigu oqaatigissuarput.

Naggataatigut oqaatigissuarput imigassamik aalakoornartortalinnimmik ikioroornartumullu tunngasumik ajornartorsiortunut arnanik naartusunik pinngitsaalillugu uninngatitsisarneq pillugu iliuusissaq eqqarsaatigeqqeqqullugu, inatsisinimmi arlaatigut unioqqutitsinnginnissaq pinaveersaarniarlugu nalilersoqqittariaqarsorivarput ATASSUT-minngaaniit.

Taamatut oqaaseqarluta inatsisissatut Naalackersuisut siunnersuutaat taperserlugu ataatsimiitilianut susassaqtunut peqqissaartumik ingerlanneqarnissaa kissaatigissuarput.

Qujanaq.